


CARITA PASKA: YESUS KASI KALA SETANG-SETANG PUNG BOS!



BALAJAR BACA DENG
BIKING WARNA
DALAM PERMAINANINI

Bahasa Melayu Dobo

CARITA PASKA: YESUS KASI KALA SETANG PUNG BOS!

*BALAJAR BACA
DENG BIKING WARNA*

Buku Asli oleh:
Tim Pengembangan Bahasa-bahasa Maluku

Diterjemahkan oleh:

**Gereja Protestan Maluku
2008**

Carita Paska: Yesus Kasi Kala Setang-Setang Pung Bos!

© Hak Cipta Gereja Protestan Maluku, 2008

Carita Paska: Yesus Kasi Kala Setang Pung Bos!
Belajar Membaca dan Mewarnai Melalui Permainan:
Teks dalam bahasa Melayu Dobo
di Maluku
The Easter Story: Jesus Defeats the Lord of Evil Spirits!
Learn to Read and Color through Games:
Main text in the Dobo dialect of the Ambonese Malay language
of Maluku, Indonesia

Dilarang memperbanyak buku ini untuk tujuan komersial.
Untuk tujuan non-komersial, buku ini dapat
diperbanyak tanpa izin dari Yayasan Sulinama.

Buku ini dapat dibeli dari:
Yayasan Pengembangan Aru
Jl. Kilo,
Depan Gereja ,
Dobo, Kepulauan Aru,
Maluku.

Edisi Percobaan
2008



**GEREJA PROTESTAN MALUKU
(THE PROTESTANT CHURCH IN THE MOLUCCAS)
ANGGOTA PGI
BADAN PEKERJA HARIAN SINODE
BOARD OF SYNOD**

ADDRESS: JALAN MAY. JEND. D. J. PANJAITAN - AMBON 97124
TELP. (0911) 352248-342442 FAX: (0911) 312440 E-mail: sinode@ambon-wasantara.net.id CABLE ADDRESS: BPGPM AMBON

KATA SAMBUTAN

Basudara samua yang Tuhan Yesus sayang!

Gereja Protestan Maluku seng parna barenti dalang usaha par biking jamaat labe mangarti deng tau soal Allah pung Kabar Bae. Sala satu cara tu, katong biking carita-carita soal Allah pung Kabar Bae pake katong pung bahasa daera biar jamaat samua bisa labe dekat deng Tuhan Allah.

Bahasa daera ni, orang pake akang sabang hari, bae di ruma deng di luar ruma. Kalo samua orang dari kacil sampe besar baca buku dalang bahasa daera ni, dong bisa tau deng mangarti akang labe capat.

Beta, pamimping GPM, mau bilang par katong samua biar katong tarus pake buku-buku ini dalang samua ibada. Katong jua pake akang par kasi balajar orang-orang yang ada di sakitar katong biar dong tau lai soal Tuhan Allah pung ajarang. Beta harap buku ni, akang bisa uba basudara dong samua pung hidop.

Waktu basudara dong mulai baca buku ni la dapa apapa yang seng pas, tolong bilang akang par katong biar buku ni bisa jadi labe bae.

Beta minta dangke banya par Tuhan Yesus. Beta minta biar Antua kasi berkat par katong samua.

Dangke banya lai.

Ambon, 18 Januari 2008



Pdt. DR. J. CHR. RUHULESSIN, M.Si.
Ketua

YESUS KASI KALA SETANG PUNG Bos!

Tuhan Yesus su basar la dia karja jadi tukang kayu.

La Tuhan Allah pung Roh panggil dia par jadi guru agama. Dia balong ada murid, la dia bajalang koliling di kampong yang dekat par cari murid.

Dia panggil barapa orang Yahudi par dengar dia pung ajaran, la dia pili 12 orang par jadi dia pung utusang. Dong pung nama-nama ada ini:

Simong Petrus, Andarias, Yakobis, Yohanis, Palipus, Bartolomeus, Mateos, Tomas, Yakobis (Bapa Alfeus pung ana), Simong, Yudas (Bapa Yakobis pung ana), deng Yudas Iskariot.



YESUS PILI 12 UTUSANG

Yesus pung 12 Utusang pung nama-nama ada ini:

Simong Petrus
Yudas
Yakobus

Yakobus
Andarias
Tomas

Palipus
Yohanis
Simong

Mateos
Bartolomeus
Yudas Iskariot

Di kotak di bawa ada banya huruf, la di dalam akang ada sambunyi dong punya nama-nama. Cari 12 nama itu, la kalau su dapa satu biking lingkaran koliling akang.

Nama-nama itu bisa iku arah bagini:




Kalau ada nama pake dua kata, di kotak ini ada tulis baku sambung bagini:

Yudas Iskariot: YUDASISKARIOT

N	P	S	I	M	O	N	G	P	E	T	R	U	S	T	D	B	N	P	N
G	N	O	M	I	S	Y	W	O	P	A	T	N	V	O	J	C	T	R	Q
D	L	I	O	W	Y	Z	M	W	U	N	A	W	I	I	W	U	Q	A	X
H	P	D	Y	A	K	O	B	U	S	D	A	T	G	R	H	O	O	O	Z
C	J	S	V	S	E	T	Q	T	C	A	H	O	J	A	U	Q	W	G	P
W	K	D	I	Q	I	X	Y	Y	L	R	G	M	F	K	W	E	Q	Q	D
G	F	U	I	B	V	O	X	F	R	I	N	A	S	S	K	M	X	F	I
S	Q	E	J	L	H	J	L	H	M	A	T	S	X	I	E	F	U	K	Y
B	Q	K	Z	A	J	Y	G	L	F	S	Y	W	C	S	F	D	V	V	A
L	T	P	N	F	M	C	C	F	D	J	Y	X	V	A	K	R	I	U	K
W	K	I	A	F	P	R	G	P	G	K	B	O	J	D	H	C	U	F	O
L	S	V	E	K	D	I	I	K	X	S	G	P	W	U	L	G	E	K	B
J	I	B	A	R	T	O	L	O	M	E	U	S	T	Y	T	J	I	W	U
S	O	E	T	A	M	I	D	X	Y	X	A	I	L	I	O	V	D	D	S
S	Y	U	X	V	X	V	N	C	T	J	W	M	P	B	G	C	V	G	A
U	V	U	P	R	K	P	A	L	I	P	U	S	S	Y	R	K	X	U	B
T	M	L	D	B	W	Y	Z	Z	A	H	Z	F	W	F	W	V	L	R	J
B	Y	Q	B	A	H	J	D	O	E	W	L	N	Z	R	Q	E	G	E	L
C	T	F	C	A	S	M	S	T	D	H	J	X	M	F	Z	E	S	Q	N
J	A	H	W	R	K	R	O	F	X	S	Y	X	Q	P	L	G	L	Z	D

Dong bajalang tiga tahun sama-sama Tuhan Yesus par ajar deng tiru Antua pung bicara deng kalakuang.


Biar Tuhan Yesus itu orang Yahudi, mo dia pung ajaran seng sama deng orang Yahudi pung guru agama laing. Dia lebe senang kalo orang iku Tuhan deng hati batul , dari pada orang yang cuma pintar biking acara agama tapi hati seng bae par Tuhan.



Yesus tau Dia sendiri itu Allah pung Ana, deng dia bawa barita kata Tuhan Allah su mau buka jalang par samua orang bisa dekat deng Allah. Tuhan Yesus tau dia nanti jadi korban par katong samua pung dosa-dosa. Dolo katong seng bisa akrab deng Tuhan barang katong manusia ini kotor deng dosa. Barang dia bawa barita laing dari orang Yahudi itu pung tradisi dari dong pung tete-nene moyang, la guru agama banya seng suka Dia. Dong bilang Dia dari Iblis. Sampe dong pung tua-tua agama niat par bunu dia. Tapi masyarakat banya satuju deng dia pung ajaran.


Yesus ajar dong tiga taun itu abis, la dia suru Dia pung Utusang itu pi di Yerusalem

YESUS BAJALANG KOLILING KAMPONG PAR CARI MURID DENG DIA PUNG UTUSANG



kota basar itu par biking Paska, pesta agama yang paling besar. Dong mau inga waktu Allah buka jalang par dong pung tete-nene moyang par kaluar dari budak di tana Mesir. Barang dong pung pusat agama di Yerusalem, banya orang suka ba-kumpul biking hari raya di situ.

Yesus dong su dekat Yerusalem, la dong pili par tinggal di dong pung tamang satu pung ruma di kampong satu nama Betani. La Tuhan Yesus suru dong saparu pi di kampong sabla, kata, "Nanti sampi di situ ada binatang keledai yang balong jinak la balong bisa orang nai. Bilang dong beta mau pake sementara sa, nanti kas pulang." Dong pi, la ada samua pas deng Dia pung pasáng.



Dong bawa binatang itu datang la taru dong pung kaing-kaing di dia pung belakang. Langsung Yesus nai dudu di atas, la binatang itu bawa dia pi di kota Yerusalem. Waktu dia ada di jalang, masyarakat banya su kumpul la taru daun-daun, kalo seng, dong pung kaing sarung, di jalang bole biking bersi deng bagus kaya dong biking par raja mau masuk di dong pung kota. Dong bataria puji Tuhan Allah, deng puji Yesus barang dong bilang dia ada datang par biking basar Tuhan Allah pung nama, deng Allah pung kuasa ada di Dia.

YESUS NAIK BINATANG KELEDAI MAU MASU KOTA YERUSALEM



Di gambar ini ada delapan (8) barang yang seng ada di tana Israel waktu Yesus tinggal di dunia ini 2000 taun lalu.

Cari 8 barang itu la kasi lingkaran koliling barang itu. Abis itu, kasi warna gambar ini.

Abis itu, dia pi di dong pung gedung persembahan basar, baru dia bale di ruma di Betani.

La Yesus pung utusang satu nama Yudas pi di orang Yahudi pung tua-tua agama. Yudas itu su mau bantu dong ambe Yesus par bunu dia. La tua-tua agama itu bilang nanti dong kasi uang par Yudas kalo dong su tangkap Yesus.

Sadiki lai su malam, la dong mau biking acara makang Paska. Dong su dapa ruangan satu, su siap deng dong pung makanan khusus par itu, la dong bakumpul.



Dong ada makang itu, mo Yesus kastau par dong kata, "Kamong ini di tenga-tenga dong ada satu orang yang pung rencana biking sengbai par Beta." Biar dong ada makang deng biking hari raya sama-sama, orang ini su mau kasi Yesus par orang tara bae.



YUDAS ADA HITUNG

DIA PUNG PERAK

30 PULU KEPENG



Yudas dapa 30 kepeng perak barang dia bantu orang tara bae par tangkap Yesus. Di gambar di atas, Yudas ada hitung dia pung kepeng, tapi baru satu ada di gambar. Biking gambar tamba 29 kepeng lai.

La Yesus kastau par dia pung utusang samua kata, dari dolo-dolo Tuhan Allah pung pesuru deng juru bicara su kastau Tuhan Allah pung Anak musti mati. Dia mau jadi korban par katong samua.

Abis acara makang, Yesus kasi dong samua roti sapanggan yang Dia su robe, deng anggur sadiki par dong. La Dia kastau dong par dua macang makanan ini (nanti jadi peringatan par Dia di hari laing / nanti kas inga dong di laing hari) par Dia pung badang su hancur, deng Dia pung dara su tumpa par dong.



Abis itu, Dia bicara lama par minta Tuhan Allah biking bae par Dia pung pengiku samua, bae dong yang ada hidup waktu itu, deng katong yang ada hidup skarang ini.

YESUS KASI ROTI DENG AIR ANGGUR PAR DIA PUNG UTUSANG

Waktu Yesus dong biking acara makang Paska, Yesus kasi roti deng air anggur par Dia pung Utusang. La Dia kastau dong kata Dia ada biking itu par apa? Ko tau ka seng?

Di bawa ini ada 6 kalimat, tapi cuma 3 yang batul.

Pili 3 kalimat yang baku cocok deng Yesus pung penjelasang, la kasi warna bundaran itu.



Makanan yang dong bawa pi di
Gunung Zaitun supaya jang lapar

Yesus pung badang su hancur

Bole dong inga Yesus biking
mujizat kasi makang banya orang

Minuman yang kasi kuat dong
bole dong jang tidur

Yesus pung waktu terakhir par
biking hari raya itu deng dong


Yesus pung dara su tumpa

Abis itu dong manyanyi puji Tuhan Allah, la turung bajalang pi di Gunung Zaitun. Dong sampe di situ, la dong pi di satu kabong pung nama Getsemane. La Yesus pi sandiri par sambayang barang Dia tau (Dia pung) waktu par dong bunu dia su dekat. Pertama, Dia minta Tuhan Allah kasi dia kekuatan par tahan penderitaan deng iku Tuhan Allah pung mau. Dong ada pigi, mo Yudas su pi kastau tua-tua agama par Yesus dong pasti pi di kabong itu barang, dong su biasa pi di situ.

YESUS BIKING APA DI KABONG GETSEMANE?

YESUS _____.

Biking garis dari titik di nomor 1 sampe abis di nomor 95. Abis kasi sambung nomor-nomor itu, tulis ko pung jawaban, la kasi warna gambar ini.



Seng lama lai, Yudas deng tua-tua agama pung tentara, deng tentara dari pamrinta lai datang par ambil Yesus. Dong ika Dia, la bawa dia pi di dong pung Imam Basar pung ruma.


Di Imam Basar pung ruma banya orang basar di suku Yahudi itu su bakumpul. Ada imam-imam yang su jadi hakim agama, ada orang tua-tua dari dong pung jamaat-jamaat, deng guru agama lai.

Dong panggil Yesus malam-malam bagini par mau tudu Dia. Dong ajak orang par kasitau Yesus pung sala, tapi dari samua orang yang bakumpul itu, seng ada dua orang yang punya tuduhan sama atau baku cocok. Jadi seng ada bukti sama skali par tudu Dia.

La Imam Basar itu dorong Yesus par bela diri, tapi Yesus diam saja. La Imam Basar itu tanya Dia bagini, "Ko Mesias ka seng? Ko Tuhan Allah pung Ana ka seng?"

La Yesus mengaku, deng dong mara skali par Dia. La dong samua setuju Dia pung sala, la biking putusung par dia musti dapa hukumang mati.

Langsung dong banya luda di Dia tarus,
la pukul deng hina Dia lai.
Pagi-pagi skali dong bawa Yesus pi di
Gubernor Pontius Pilatus pung tampa
karja. Orang yang bilang Yesus harus




mati panggil Pak Gub kaluar par bicara deng dong. La Antua tanya dong bagini, "Orang ini biking sala apa?"

Dong seng mau kasi alasan apa-apa mo langsung bilang, "Dia ini cuma orang jahat!"

Pak Gub bilang, "Kalo kamong su sangka dia sala bagitu, pi hukum dia pake kamong pung aturang saja."

Dong bilang, "Seng bisa, barang katong seng ada hak par hukum dia, deng bunu dia. Cuma pamarinta ini ada hak par biking hukum mati."

Pontius Pilatus itu tanya Yesus mo seng dapa dia pung sala apa-apa. Mo sementara tanya Dia, deng kasi gelar "Orang Yahudi pung Raja" par Dia. Pilatus panggil Yesus bagitu par ejek-ejek dia. Pilatus ini su pastiun deng masala ini lai jadi abis bicara deng Yesus, dia pi di luar tanya orang yang ada tunggu dia pung putusang.



"Skarang su mau masu kamong orang Yahudi pung hari basar. Pamarinta biasa kasi bebas satu tahanan pada hari raya itu. La, bagemana kalo beta kasi bebas orang ini yang beta panggil 'Orang Yahudi pung Raja'?"

Dong mara-mara deng bataria kata, "Seng! Katong seng mau pili dia! Mo katong mau pili tahanan yang pung nama Barsabbas saja!"


Abis itu, Pilatus suru dia pung tentara

siksa Yesus pukul Dia ulang-ulang, pake tali yang ada besi di ujung, la dong biking kaya deng mahkota pake cabang-cabang kayu yang baduri basar, la taru di Yesus pung kapala. Tarus dong ambe juba satu yang pung warna ungu. Barang warna itu biasa dong punya raja-raja suka pake. La dong main kasi hormat la sambut dia bilang kata, "Siap hormat par orang Yahudi pung raja ini!"


Dong pukul dia pung kapala pake rotan, luda di dia, la berlutut biking gaya lucu-lucu main kasi hormat dia. Dong su bosan baganggu dia bagitu, tarus dong bajalang tarik dia par bunu dia di kayu salib.

Dong bajalang pi di gunung Golgota, dong paksa Yesus par pikul sendiri dia pung

Ada 4 orang di kotak ini. Sambung pake garis tiap orang deng dia pung kalakuang sandiri.



Dia seng ada sala apa-apa
mar dapa hukumang mati.











Dong tangkap Yesus la
dong siksa Dia.



Dia deng tua-tua agama
mara skali deng
Yesus la biking niat par
bunu Dia.


PILATUS PUNG TENTARA SIKSA DENG BIKING MALU YESUS

Waktu itu, dong pake barang apa?
Kasi tanda di kotak di sabla barang yang dong pake.
Ada 8 barang di bawa, tapi dong pake 4 saja.



kayu salib. Yesus su seng kuat lai barang dong su siksa dia satu malam antero, jadi tentara itu paksa orang laing nama Simong par pikul kayu salib itu. Sampe di gunung itu hari jumat jam sembilang pagi. La tentara itu mau kasi par

YESUS SENG KUAT LAI



Tentara-tentara paksa orang satu nama Simong par pikul Yeus pung kayu salib. Biking gambar kasi masu Simong di tampa par pikul akang.

Yesus minuman keras campur deng obat satu bole dia pusing deng kurang rasa saki kalo dong paku dia pung kaki deng tangan. Tapi Yesus seng mau. La dong paku dia di kayu salib.

Terus dong taru papang kacil yang dong su tulis bagini: Orang Yahudi pung Raja. La dong angka kasi badiri kayu salib itu.

Di sabla kanan deng sabla kiri dari Yesus, dong ada bunu dua orang laing lai di dong pung kayu salib sandiri. Dua orang laing itu orang jahat.

Ada banya orang datang par bataria deng tatawa dia. Dong banya bilang, "Kalo ko

PILATUS PONTIUS PUNG TENTARA TULIS KALIMAT APA DI PAPANG KACIL?

Di sini ada lima (5) kalimat, tapi cuma 1 yang batul.
Pili kalimat yang batul la tulis akang di gambar.


ORANG ROMA PUNG RAJA

RAJA PUNG ANA

ORANG YAHUDI PUNG RAJA

ORANG YUNANI PUNG RAJA


ALLAH PUNG ANA



batul-batul Mesias dari Tuhan Allah, coba pake ko pung kuasa sendiri par turung dari kayu salib itu bole ko jang mati!"

Su jam duablas siang, mo Yesus masih hidup. Tiba-tiba di mana saja di daerah itu jadi gelap sampe jam tiga. Jam tiga itu, Yesus ucap ayat satu dari Mazmur 22. Sadiki lai, Yesus bataria suara basar, la mati, seng tarik napas lai. Tentara yang ada jaga di situ mangaku bilang kata, "Batul-batul, orang ini Tuhan Allah pung ana."

Sadiki lai, ada orang Yahudi satu nama Yusuf dari Arimatea, mau biking bae par Yesus, barang Yusuf ini taku par Tuhan Allah. Terus dia pi di gubernur itu, Bapa Pontius Pilatus, par minta izin ambe Yesus pung mayat. Pilatus itu seng parcaya barang banya orang nanti 2-3 hari baru mati di kayu salib, jadi dia minta laporan dari dia pung tentara. Dong manyau bilang Yesus su meninggal, la Yusuf pi capat-capat par urus pemakaman itu. (Barang orang Yahudi su mau biking Hari Sabat deng itu mulai malam. Dong seng bole pegang orang mati selama Hari Sabat itu, kalo dong mau iku sambayang hari itu.)




YUSUF DARI ARIMATEA
PI DI GUBERNUR
PAR BIKING BAE PAR YESUS

Yusuf pi bali kain panjang skali la bawa pi di gunung Golgata. La kas turun Yesus baru bungkus dia pake kain itu iku orang Yahudi pung cara.


Abis itu, dia bawa Yesus pi di tampa pemakamam yang kusus par dia pung keluarga. (Biar dia seng ada hubungan saudara deng Yesus). Tampa itu di batu basar yang dong su potong deng ukir akang, biking kaya kamar satu. Yesus pung pengikut parampuang dua ada iku lai jadi dong lia Bapa Yusuf ini ada taru Yesus di mana. Dia taru Yesus pung mayat di atas bangku batu satu, abis itu dia kaluar dari situ, baru pele lobang itu pake batu basar sakali. Tarus dong pulang, barang su mau malam.

Hari Sabat su abis, la parampuang tiga yang iku Yesus itu pi par bali bumbu-bumbu



deng minya wangi par taru di Yesus. Barang Hari Jumat sore waktu dong kubur dia itu, seng ada kesempatan par biking sebelum matahari masuk la dong pung hari istirahat mulai.

Hari Minggu pagi-pagi parampuang tiga itu pi di kuburan.



Dong ada bajalang, mo dong ada baku tanya bagini, kata: "Nanti katong sampe di situ, bagemana deng batu basar itu? Sapa bisa kas pinda akang par katong bole katong masu di dalam?"

Padahal, dong sampe deng langsung lia batu basar skali itu, su seng pele pintu masu kubur lai!
Ada yang su tola kas pinda akang.

Tarus, dong masu di dalam langsung lia laki-laki basar satu pake kaing puti ada dudu di situ. Dia itu malaikat.

Parampuang-parampuang itu



kaget lia malaikat itu, tapi dia bicara bae-bae par dong, bilang kata, "Jang taku. Beta tau ibu-ibu ada cari Yesus dari Nasaret itu, yang dong su bunu di kayu salib. Tapi dia seng ada di sini, barang dia su bangun dari mati, hidup kembali." Tarus malaikat itu suru dong pi kastau Yesus pung ana-ana bawa pasáng lai dari

MALAIKAT BAWA PASÁNG DARI SORGA!

Waktu tiga parampuang itu masu di dalam Yesus pung kuburan, dong lia malaikat satu dudu di situ. Malaikat itu bilang apa par dong?

Tulis dia pung pasáng di lingkaran basar, la kasi warna gambar.




Tuhan Yesus par dong deng Yesus nanti baku dapa di Galilea.

Abis dong bakumpul di Galilea, la satu hari Yesus deng dong pi di Betani. Dong ada di Betani, la Yesus suru dia pung Utusang par pi kastau dia pung carita par samua orang di dunia, kaya di dong pung kampong, di tampa-tampa yang jau sadiki deng sampe di ujung bumi. Tarus Yesus berangka nai di Sorga.

Katong su balajar mengenai katong pung Tuhan itu, Yesus, waktu dia jadi korban

YESUS MAU KOMBALI NAI DI SORGA, LA DIA KASI PASÁNG

Abis Yesus bangki hidup kombali, Dia deng dia pung Utusang bakumpul la dong pi di Betani. Waktu Yesus su mau barangkat nai di Sorga, Dia suru dong par biking apa? Di ling-karan di gambar, tulis Yesus pung pasáng. La kasi warna gambar itu.



di kayu salib par katong. Dia mati la hidup kembali, itu par kasi kala Iblis deng setang-setang laing, deng datuk-datuk. Dia biking hancur dong pung kuasa yang pegang deng kasi sakit katong.

Katong inga lai, Tuhan Yesus sambayang par katong bole katong jang bakalae mulu deng orang-orang parcaya laing. Terus dia suru katong kastau orang yang balong dengar dia pung carita. Deng paling bagus, Dia pung Roh ada deng katong skarang ini, deng Dia mau datang lai par jemput katong orang parcaya samua pi di rumah di Sorga.

YESUS KASI KALA SAPA?

BAGAIMANA YESUS KASI KALA DONG?

SAPA ADA DENG ORANG PARCAYA SKARANG?

ABIS YESUS PI DI SORGА, APA
YANG TERJADI DENG ANTUA
PUNG UTUSANG ?
KALO MAU BALAJAR SEJARA
ITU, BACA KISAH PARA RASUL
DI PERJANJIAN BARU.